
Vår referanse 2020/65-5
Dato 16.01.2020

Alver kommune
Postboks 4
5906 Frekhaug

Att. Merethe Tvedt

Fråsegn til detaljreguleringsplan for Fv. 245 Fosse - Moldekleiv på avgrensa høyring

Vi viser til brev datert 15.12.2019 om avgrensa høyring av forslag til detaljregulering for Fv. 245 Fosse - Moldekleiv. Etter avtale har Vestland fylkeskommune fått utsett frist til 27.01.2020. Hovudføremålet i planen er å auke framkomme og tryggleiken for alle trafikantar på dette strekket. Planforslaget er i hovudsak i samsvar med kommuneplan, forutan nokre område som er LNF. Kommunen vurderte i oppstartsmeldinga at planen ikkje utløyser krav om konsekvensutgreiing.

Hordaland fylkeskommune vurderer reguleringsplanen ut i frå fylkeskommunens sektoransvar og målsettingar i regionale planar, i tillegg til oppstartmeldinga i brev av 29.06.2017.

Vurdering

Framlegg til detaljreguleringsplanen for Fv. 245 Fosse- Moldekleiv med oppgradering av Fossekrysset var til høyring og offentleg ettersyn i perioden 05.01.2019-16.02.2019. Administrasjonen ved Hordaland fylkeskommune varsla at ein ville tilrå motsegn, og bad om vidare dialog.

På bakgrunn av innkomne innspel og merknader er det no utført naudsynte justeringar og nokre mindre endringar av planframlegget, sendt ut avgrensa høyring. I eit brev av 04.12.2019 har kommune vist endringane i kartutsnitt og tekst. Kommunen har deretter ettersendt reviderte reguleringsføresegner den 12.12. 2019.

Kulturminne og kulturmiljø

På eit dialogmøte mellom Meland kommune, Statens vegvesen og Hordaland fylkeskommune den 11.04.2019 vart det konkludert med følgjande, referert under punkt 2 i eit møtereferat av 12.04. 2019:

«Gjelder «Spionhuset», to potetkjellere og to løer

- Grunnet plantekniske utfordringar med tegning av H570 hensynssoner i arealer som på plankartet kun har midlertidig arealbeslag i form av anleggsbelte (som etter fullført anlegg skal fjernes fra kartene), tas hensynssonene rundt nyere tids kulturminner i planområdet ut av plankartet. Dette erstattes i stedet med en felles reguleringsbestemmelse om at det i forbindelse med bygging av veganlegget skal tas særskilt hensyn til alle nyere tids kulturminneverdier i planområdet. Planomtalen skrives om for å bedre presisere hvilke nyere tids kulturminner det er snakk om, og hvor disse befinner seg.»

I dei reviderte reguleringsføresegnene er følgjande avsnitt lagt til under § 2.2 Kulturminne:

«Det skal takast særskilt omsyn til SEFRAK-registrerte bygg, som angjeve i planomtalen i kapittel om Kulturmiljø og kulturminne, i samband med anleggsgjennomføringa.»

Dette er etter fylkeskommunen si vurdering berre delvis dekkande i høve det som det var semje om på dialogmøtet den 11.04.2019. Vi ber difor om at formuleringa under § 2.2 vert justert slik at ein òg inkluderer nyare tids kulturminne som ikkje er registrert i SEFRAK.

Vidare bør det vere tydeleg under § 2.2 at det skal takast særskilt omsyn til nyare tids kulturminne både innafor og nær opp til planområdet, mellom anna av omsyn til det såkalla «spionhuset» på gbnr. 26/16 (SEFRAK 1256-0203-016) og dei to løene på gbnr 26/1 og 26/5, som ligger tett opp til planområdet og ikkje har fått omsynssoner H570.

Konklusjon

Vestland fylkeskommune har merknadar til planforslaget i høve kulturminneinteresser, og ber om at føresegnene vert justert etter vårt innspel.

Med helsing

Eva Katrine Ritland Taule
Fagleiar kommunal plan

Lars Petter Klem
Rådgjevar

Brevet er elektronisk godkjent og har difor ingen handskriven underskrift

Mottakarliste
Alver kommune Postboks 4 5906 FREKHAU
G

Saksbehandlar:	
KII - Arealplan (Førde)	Helene Moe
KII - Arealplan (Førde)	Sigrun Wølstad
MOK - Transportplan	Gunhild Raddum
SUD - Plan, klima og folkehelse	Lars Petter Klem
INV - Forvaltning Bergensområdet	Tone Bøyum